

**MAHINUNGDANONG MGA PAMAHAYAG
ALANG SA 2026 MEMORIAL DAY BLENDING CONFERENCE**

**Makasulod ta sa bag-ong pagkadasig pag-usab nga motapos ning panahona
sa pag-abot nato sa kinahabogang punto sa diosnong pinadayag,
sa pagkinabuhi sa kinabuhi sa Dios-tawo,
ug sa pag-apil nato sa langitnong pagpangalagad ni Cristo
nga mangatiman sa Iyang panon sumala sa Dios.**

**Ang kinahabogang punto sa diosnong pinadayag nga gihatag sa Dios kanato
mao ang pinadayag sa walay kataposang pamatigayon sa Dios—
nahimong tawo ang Dios aron mahimong Dios ang tawo.**

**Mobulig gyod ta sa langitnong pagpangalagad ni Cristo
aron mangatiman sa iglesia sa Dios nga Iyang panon
aron matukod ang Lawas ni Cristo ug ang bag-ong pagkadasig pag-usab.**

**Aron makapangatiman ta sumala sa Dios,
kinahanglan mausa ta sa Dios, maumolan og Dios,
magkinabuhi sa Dios, magpadayag sa Dios,
morepresentar sa Dios, ug mangalagad og Dios.**

**Mga Talamdan sa Mga Mensahe
alang sa Memorial Day Blending Conference
Mayo 22-25, 2026**

**LINANGKOB NGA HISGOTANAN:
GIKINAHANGLAN GYOD KAAYO
ANG BAG-ONG PAGKADASIG PAG-USAB**

Mensahe 1

**Mobulig sa Ginoo aron Ikapadangat
ang Bag-ong Pagkadasig Pag-usab Nga Motapos Ning Panahona**

Basahong Kasulatan: Hab. 3:2; Buh. 26:19, 22; Mat. 14:19, 22-23;
Fil. 1:19-22, 25; Juan 21:15-17

- I. **Kanunay gyong nangandoy ang mga pinili sa Dios nga madasig pag-usab—Hab. 3:2; Os. 6:2; Rom. 8:20-22; Sal. 119:25, 50, 107, 154; Juan 6:57, 63; 2 Cor. 3:3, 6.**
- II. **Makasulod ta sa bag-ong pagkadasig pag-usab sa pag-abot nato sa kinahabogang punto sa diosnong pinadayag nga gihatag sa Dios kanato—ang pinadayag sa walay kataposang pamatigayon sa Dios (1 Tim. 1:3-4; 1 Cor. 9:17; Buh. 26:19, 22); kini ang dakong tubag sa dakong pangutana kalabot sa tuyo sa Dios sa paglalang Niya sa tawo ug sa pagtagad Niya sa Iyang piniling katawhan (Gen. 1:26; Job 10:13; itandi sa Efe. 3:9):**
 - A. Ang misteryo nga natago sa kasingkasing sa Dios mao ang walay kataposang pamatigayon sa Dios (1:10; 3:9; 1 Tim. 1:4), nga mao ang walay kataposang tuyo sa Dios uban sa gitinguha sa Iyang kasingkasing nga ipaambit ang Iyang Kaugalingon diha sa Iyang Diosnong Trinidad ingon nga Amahan diha sa Anak pinaagi sa Espiritu nganha sa piniling katawhan Niya aron mahimong kinabuhi ug kinaiya nila para masama sila Niya isip hulad Niya (Rom. 8:29; 1 Juan 3:2), aron mahimong organismo, ang Lawas ni Cristo ingon nga bag-ong tawo (Efe. 2:15-16), alang sa kahupnganan sa Dios, pagpadayag sa Dios (1:22-23; 3:19), nga mahingpit sa Bag-ong Jerusalem (Bug. 21:2—22:5).
 - B. Ang Dios nga nahimong tawo aron mahimong Dios ang tawo sa kinabuhi ug kinaiya apan dili sa ranggo sa pagka-Dios aron mapalugwa ug matukod ang Lawas ni Cristo nga mohingpit sa Bag-ong Jerusalem mao ang pagkamao sa tibuok Biblia, ang “diamante” sa “kahon” sa Biblia, ang walay kataposang pamatigayon sa Dios—Gen. 1:26; Juan 12:24; Rom. 8:29:
 1. Nahimong tawo ang Dios pinaagi sa pagpakatawo sa pag-ambit Niya sa pagka-tawo sa tawo; mahimong Dios ang tawo sa kinabuhi ug kinaiya apan dili sa ranggo sa pagka-Dios pinaagi sa pagtransporma sa pag-ambit niya sa pagkadios sa Dios—Juan 1:14; 2 Cor. 3:18; Col. 3:4; 2 Ped. 1:4; Fil. 2:5; Rom. 8:29; Heb. 2:10; Efe. 1:5; Rom. 8:19; 1 Juan 3:2; Juan 1:12-13.
 2. Kining diosnon-tawhanong sugilanon sa gugma maoy gihisgotan sa tibuok Biblia, ang sulod sa pamatigayon sa Dios, ug ang sekreto sa tibuok uniberso—A. A. 1:1; 6:13; itandi sa Hab. 1:1; 2:4; Rom. 1:17:
 - a. Diosnon ug tawhanon si Cristo, ug tawhanon ug diosnon ang natranspormang maghihigugma Niya; sama silag kinabuhi ug kinaiya, hingpit nga takdo sa usag usa.

- b. Ang Tulo-usang Dios nga nahingpit aron mahimong Bana ug ang natranspormang tawo nga may tulo ka bahin aron mahimong pangasaw-onon mahimong usa ka magtiayon, hiniusa nga dakong Dios-tawo—Bug. 21:2, 9; 22:17a.
- C. Ang sentrong pinadayag sa Dios ug sa pahiuili sa Ginoo mao nga nahimong unod ang Dios (Juan 1:1, 14), nahimong Espiritung taghatag-og-kinabuhi ang unod (1 Cor. 15:45b), ug nahimong gipakusgan sa pito-ka-pilo nga Espiritu ang Espiritung taghatag-og-kinabuhi (Bug. 1:4; 3:1; 4:5; 5:6) aron matukod ang iglesia (Mat. 16:18) nga mahimong Lawas ni Cristo (Efe. 4:15-16) ug maghingpit sa Bag-ong Jerusalem (Bug. 21:2, 9; 22:17a; itandi sa Gen. 2:22; Juan 19:34).
- D. Mahimong usa ka persona ang Dios ug tawo, ug kining usa ka persona mao ang panagsagol sa pagkadios ug pagkatawo, nga mahingpit sa Bag-ong Jerusalem nga sangpotanan sa tibuok Biblia—Bug. 21:3, 22, 2, 9; itandi sa Lev. 2:4-5; Sal. 92:10.
- E. “Naglaom ko nga makakita ning pinadayaga ang tanang balaan sa tanang kaiglesiahan sa tibuok yuta, ilabi na ang mga masigka-magbubuhay ug mga anciano, ug mamangon aron moampo nga hatagan unta ta sa Dios og bag-ong pagkadasig pag-usab—ang pagkadasig pag-usab nga wala pa sukad masulat sa kasaysayan”—*Life-study of 1 and 2 Chronicles*, p. 15.

III. Kon batasanon nato nga magkinabuhi sa kinabuhi sa Dios-tawo, nga mao ang realidad sa Lawas ni Cristo, diha-dayong matukod ang hiniusang sumbanan, ang sumbanang nagkinabuhi sa pamatigayon sa Dios; kining sumbanan mao unya ang kinadak-ang pagkadasig pag-usab sa kasaysayan sa iglesia nga magpabalik sa Ginoo—Sal. 48:2 ug nota 1; Bug. 3:12, 21:

- A. Nagkinahanglan ang Dios og hiniusang katawhan nga mapabangon sa Iyang grasya pinaagi sa habog nga punto sa diosnong pinadayag aron magkinabuhi og kinabuhing segun ning pinadayaga; ang pagkadasig pag-usab mao ang pagbatasan, ang pagkapraktikal, sa panan-awong nakita nato.
- B. Natinun-an ang mga magsusunod ni Cristo (Mat. 5:1; 28:19) pinaagi sa pagkinabuhi Niya ingog tawo dinhi sa yuta, isip sumbanan sa Dios-tawo—nagkinabuhi sa Dios sa pagdumili Niya sa Iyang Kaugalingon diha sa pagka-tawo (Juan 5:19, 30), nga nag-usab sa ilang hunahuna kalabot sa tawo (Fil. 3:10; 1:21a).
- C. Kopya, kun hulad gyod unta ang kinabuhi nato sa sumbanan sa kinabuhi ni Cristo, nga unang Dios-tawo—1 Ped. 2:21; Mat. 11:28-29; Efe. 4:20-21; Juan 17:4; 5:17; Fil. 1:19-22, 25.
- D. Ang Espiritu sa kinabuhi ug realidad nga giginhawa ngadto sa mga tinun-an maoy mogiya nila ngadto sa tanang realidad sa napanid-an nila sa Ginoo sa naguban pa sila Niya sa tulo ug tunga ka tuig—Juan 16:13; 20:22:
 - 1. Sa pagsugod sa pagpangalagad sa unang Dios-tawo, gibautismohan Siya aron matuman ang tanang pagkamatarong, niila nga segun sa Iyang unod (sa Iyang pagka-tawo—1:14; Rom. 1:3; 8:3), angay ra gyod Siyang mamatay ug ilubong (Mat. 3:15-17).
 - 2. Gibansay Niya ang Iyang mga tinun-an nga makat-on Niya (11:29) sa milagro sa pagpakaon Niya sa lima ka libo ka tawo sa lima ka tinapay ug duha ka isda; ang Iyang “paghangad sa langit” aron panalanginan ang lima ka tinapay ug duha ka isda (14:19) nagpakita nga nakaamgo Siya nga dili Siya, nga Pinadala, ang tinubdan sa panalangin, kondili ang Amahan, nga Nagpadala (Juan 10:30; 5:19, 30; 7:6, 8, 18).

3. Wala magpabilin ang Ginoo sa resulta sa milagro uban sa mga panon sa kawatuhan; nibiya hinuon Siya nila aron tago nga makig-uban sa Amahan didto sa bukid sa pag-ampo—Mat. 14:22-23; Luc. 6:12.
 4. Nagkinabuhi ang Ginoo sa kinabuhing nakigkontak sa Dios (Mar. 1:35; Luc. 5:16; 6:12; 9:28; Heb. 7:25), walay hunong nga nagkinabuhi sa presensya sa Dios (Buh. 10:38c; Juan 8:29; 16:32), ug nangontak sa mga tawo, nagpaambit og Dios ngadto nila aron madala sila ngadto sa tuig-tinghugyaw sa pamatigayon sa Dios sa Bag-ong Tugon (Luc. 4:18-19; Heb. 8:2; itandi sa Gen. 14:18; Buh. 6:4).
 5. Tawo Siya nga walay bisan unsa (walay luna, walay higayon, walay paglaom, ug walay purohan sa bisan unsa) si Satanas, nga magbubuot sa kalibotan—Juan 14:30b, itandi sa v. 20; 2 Cor. 12:2a; Col. 1:27; 2 Tim. 4:22; Juan 3:6b; 4:23-24; 1 Juan 5:4, 18.
- E. Ang bugtong paagi nga makakinabuhi ta sa kinabuhi sa Dios-tawo segun sa sumbanan sa Ginoo mao ang pagpatumong sa tibuok natong pagkatawo sa nasagol nga espiritu, maggawi, magkinabuhi, ug ipahiuyon ang atong pagkatawo sa nasagol nga espiritu—Rom. 8:2, 4, 10, 6, 11, 16; 1 Cor. 6:17; Rom. 10:12; Gal. 5:25; Efe. 6:17-18; 1 Tes. 5:16-20; 1 Tim. 4:6-7; 2 Tim. 1:6-7.
- F. “Mopahayag gyod tang tanan nga gusto tang magkinabuhi sa kinabuhi sa Dios-tawo. Sa kaulahian, mahimong mga mananaog ang mga Dios-tawo, ang Sion sulod sa Jerusalem. Magpadangat kinig bag-ong pagkadasig pag-usab nga wala pa sukad makita sa kasaysayan, ug magtapos kini ning panahona”—*Life-study of 1 and 2 Chronicles*, p. 28

IV. Makasulod ta sa bag-ong pagkadasig pag-usab sa pag-apil nato sa langitnong pagpangalagad ni Cristo nga magpakaon sa Iyang nating mga karnero ug mangatiman sa Iyang mga karnero aron maatiman ang panon sa Dios, nga mao ang iglesia nga mosangpot sa Lawas ni Cristo; pagtagik kini sa pagpangalagad sa mga apostol sa langitnong pagpangalagad ni Cristo—Juan 21:15-17; 1 Ped. 2:25; 5:1-4; Heb. 13:20-21; Bug. 1:12-13:

- A. Mangatiman gyod ta sa mga tawo segun sa sumbanan ni Ginoong Jesus sa Iyang pagpangalagad aron matuman ang walay kataposang pamatigayon sa Dios—Mat. 9:36; Juan 10:11; Heb. 13:20; 1 Ped. 5:4:
1. Ang sulod sa tibuok pamatigayon sa Dios sa Bag-ong Tugon sa kompletong kaluwasan Niya mao si Cristo nga Anak sa Tawo nga nagpangga nato sa pagtubos Niya nato gikan sa sala, nga naghuman sa Iyang balaodnong katubsananan pinaagi sa Iyang kamatayon (1 Tim. 1:15; Efe. 1:7), ug si Cristo nga Anak sa Dios nga nagtil-og nato aron madagayaong ipaambit ang diosnong kinabuhi nganhi nato, nga nagtuman sa Iyang organicong kaluwasan sa Iyang pagkabanhaw (Juan 10:10; 1 Cor. 15:45b; Efe. 5:29).
 2. Kanang wala ta makabaton sa mahigugmaon ug mapasayloong kasingkasing sa Amahan ug sa maatimanon ug mapangitaong espiritu sa Manlu-luwas maoy hinungdan sa pagkawalay-bunga nato—Luc. 15:1-24.
 3. Panggaon gyod nato ang mga tawo (aron malipay, mahimuot, ug mahayahay sila) diha sa pagka-tawo ni Jesus (Mat. 9:10; Luc. 7:34); til-ogan gyod nato ang mga tawo (pakan-on sila sa malangkobon-sa-tanan nga Cristo sa pagpangalagad Niya sa tulo ka hugna) sa pagkadios ni Cristo (Mat. 24:45-47).
 4. Moagi gyod si Cristo sa Samaria, nituyog liko sa Sicar aron mabatonan ang usa ka babayeng walay moralidad, nagpangga niya sa pagpangayo Niya

- kaniyag mainom aron matil-ogan siya sa nag-agay nga Tulo-usang Dios nga suba sa tubig sa kinabuhi—Juan 4:3-14; Bug. 22:1.
5. Ingon nga walay sala, wala Siya mohukom sa babayeng mananapaw; gipangga hinuon Niya siya aron balaodnong mapasaylo ang iyang mga sala ug organico siyang mahigawas sa iyang mga sala (Juan 8:1-11, 32, 36); makahuloganon sab nga ang unang giluwat ni Cristo sa pagkalansang Niya sa krus mao ang tulisang gihukman nga mamatay (Luc. 23:42-43).
 6. Niadto ang Ginoo sa Jerico aron lang moduaw ug mabatonan ang usa ka tawo, nga punoang maniningil sa buhis, ug pagpangatiman ang pagsangyaw Niya (19:1-10); gipangga sab Niya ang mga ginikanan sa pagtapion Niya sa Iyang mga kamot sa ilang mga bata (Mat. 19:13-15).
- B. Mangatiman gyod ta sa mga tawo segun sa sumbanan ni apostol Pablo, nga nangatiman sa mga balaan ingon nga inahang nagpasuso ug amahang nanambag aron maatiman ang panon sa Dios—1 Tes. 2:7-8, 11-12; 1 Tim. 1:16; Buh. 20:28:
1. Giatiman ni Pablo ang mga balaan sa Efeso sa pagtudlo kanila “atubangan sa katawhan ug sa balaybalay” (v. 20) ug sa pagtambag niya sa tagsatagsa ka balaan uban sa mga luha sa tulo ka tuig (vv. 31, 19), gipahayag kanilang tanan ang laraw sa Dios (v. 27).
 2. Dunay suod nga pagtagad si Pablo sa mga magtutuo (2 Cor. 7:2-7; Filem. 7, 12), ug nanaog sa pagkabutang sa mga maluyahon aron mabatonan niya sila (2 Cor. 11:28-29; 1 Cor. 9:22; itandi sa Mat. 12:20).
 3. Andam siyang mogasto sa tanang naa niya, nga nagpasabot sa iyang katigayonan, ug mogasto sa iyang pagkamao, nga nagpasabot sa iyang pagkatawo, alang sa mga balaan (2 Cor. 12:15); halad nga ilimnon siya, nga nausa ni Cristo nga tighimog bino, nagsakripisyo sa iyang kaugalingon aron makapahimulos ni Cristo ang uban (Fil. 2:17; Huk. 9:13; Efe. 3:2).
 4. Naggawi si Pablo pinaagi sa Espiritu aron magpasidungog sa Dios aron ikapaambit niya ang Espiritu aron magpasidungog sa tawo—2 Cor. 3:3, 6, 8; Gal. 5:16, 25; Huk. 9:9.
 5. Gipakita ni Pablo sa iyang pagpanudlo nga panimalay ang iglesia nga moamama sa mga tawo, ospital nga moayo ug mopahiuli nila, ug eskwelahan nga motudlo ug momatuto nila—Efe. 2:19; 1 Tes. 5:14; 1 Cor. 14:31.
 6. Gipadayag niya nga ang gugma maoy labing maayong paagi nga mahimo tang bisan unsa ug makabuhat og bisan unsa aron matukod ang Lawas ni Cristo—8:1; 12:31; 13:4-8a; Efe. 1:4; 3:17; 4:2, 15-16; 5:2; 6:24; Bug. 2:4-5; Col. 1:18b; 1 Tes. 1:3.
- C. “Naglaom ko nga dunay tinuod nga pagkadasig pag-usab dinhi nato sa pagdawat nato ning luwan sa pagpangatiman. Kon modawat ang tanang iglesia ning pagtulon-ana nga mosalmot sa matahom nga pagpangatiman ni Cristo, mahitabo gyod ang dakong pagkadasig pag-usab diha sa pahiuili”—*The Collected Works of Witness Lee, 1994–1997*, vol. 5, “The Vital Groups,” p. 92.